



# Synfocity = 571

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

4<sup>th</sup> February, 2016

## □ Synod Ramthar board committee wawi 155-na an thu

February 3, 2016 (Nilaini) chawhma dar 10:00 khan Synod Office-a JM Lloyd Hall-ah Synod Ramthar Board Committee wawi 155-na a thu a, committee hi Rev. H. Lalrinmawia, Synod Moderator-in a kaihrui a, Secretary Rev. K. Lalrinmawia'n reports a pe. Tun tum committee-ah hian thu pawimawh tak tak 10 zet ngaihtuah tur an nei a ni.

Thu ngaihtuah tur zinga langsar zualte chu- Presbyterian Hindi Bible School chungchang bawhzuina te, Vaseikai khuaa School din chungchang te, Mission Field-a driver-te D.A. pek chungchang te, Board member-te Field tlawh chungchang te, Synod Mission Board hnuuia Contract-a thawk, kum 60 tlingte hna chawhlsan dawna kalpui dan tur chungchang te, Field Secretary thar leh Missionary Pastor thar Orientation neihpui chungchang te leh Missionary Retreat 2016 (Home Mission) chungchang te an ni.

Secretary Report atanga a lan danin Synod Inkhawmpuiin Ramthar Field-ah Bial thar 4 hawn a remtih angin tluang taka hawn tawh a ni a, Mission Field-a Pastor tura dah mi 5 te pawh Induction Service neihpui an ni tawh bawk. Interserve India nena Thawhhona Thuthlung (Partnership Agreement) chu Synod Executive Committee (SEC) remtih angin kum 3 chhung (2016 - 2018) atan ziahthar (renew) a ni. January 31, 2016 (Pathianni) chawhnu khan Vaivakawn Kohhran Biak Inah Masihi Sangati Evangelist atan lak mi 18 tirhchhuahna hun hman a ni a, kum 2016 chhung thawk tur Missionary lak thar mi 104 te chu January 6, 2016 atang khan Mission Veng Kohhran Hall-ah Orientation Training neihpui a ni a, February 5, 2016 thleng a aw h ang. Missionary lak tharte hi February 7, 2016 (Pathianni) chawhnu-ah Bawngkawn Kohhran Biak Inah Tirhchhuahna hun hman a ni ang.

## □ Synod Hospital Board Meeting wawi 126-na a thu

Vawiin (Feb. 4, 2016) chawhma dar 10:00 atangin Synod Office-a J.M. Lloyd Hall-ah Synod Hospital Board Meeting wawi 126-na nei a ni a, meeting hi Rev. H. Lalrinmawia, Synod Moderator-in a kaihrui a, Medical Superintendent Dr. Lalthakima'n Secretary reports a pe.

Secretary Reports atanga a lan danin Synod Inkhawmpui wawi 92-na in a rel angin Dr. L.H. Thanga Singson, Hospital Director chuan a hna a zawm a, Synod Hospital Board wawi 125-na chuan Medical Superintendent atan Dr. Lalthakima, M.S. (Ortho) leh Dy. Medical Superintendent atan Dr. John Malsawma, M.D (Paed) te an ruat angin an hna hi an zawm fel tawh bawk a, pension a chhuak tawh tur, Upa F. Lalsangliana, Coordinator pawhin kum 2 chhung atan a hna ngai a thawk chhonzawm bawk.

Nikum (2015) atang khan Pi Pui In (Private Ward) chu luah fel a ni tawh a, tunah hian Room pangngai 24 leh Deluxe Room 6, a vaiin Room 30 luah theih a ni. Pi Pui In-a Eye Block thar pawh nikum khan hawn a ni tawh bawk.

Oxygen Generator AIRSEP (USA) Imported Oxygen Concentrator Model AS-J chu bun fel a ni tawh a, February thla chhungin hman theih beisei a ni. Doctor Quarters sak mek niin First Phase-ah Doctor 4 luah theih tura buaipui mek a ni.

January 27, 2016 khan May Bounds Hostel (Student Nurses Hostel) sak thar chu Synod Moderator Rev. H. Lalrinmawian Pathian hnenah hlanin a hawng a. He hostel hi RCC Building a ni a, chhawng ngaa sak a ni a, Room 51 awmin zirlai 126 (mipa 18 leh hmeichhia 108) awm theihna tura ruahman a ni. Recreation Hall a awm bawk a, he Hospital-a Mizo Nursing Superintendent hmasa ber hming chawiin 'Lalzikpui Hall' tia vuah a ni a, Pi Ziki Hall tia lam a ni ang.

January 2016 chhungin KTP Saikhamakawn Branch leh SCMI, ATC, Durtlang ten thisen an pe a, a vaiin 71 Units lai an dawng a ni.

Tun tum Board meeting-ah hian thu pawimawh tak tak 6 zet ngaihtuah a ni a, chung zingah chuan Nursing College din chungchang te, John Williams Hospital enkawl dan enthat te, Thawktu confirm diina te, Mit zaina khawl (Phaco Machine), Bank Loan-a lei diina te leh Sum harsatna chungchang te chu a langsar zual an ni.

## □ Synod-in chhawmdawlina pe

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Tuipui D	Damlo/Rethei	1	Rs. 8,000/-
2.	Tlabung Zodin	Damlo/Rethei	1	Rs. 8,000/-
3.	Maite	Damlo/Rethei	1	Rs. 2,000/-
4.	Tlabung	Damlo/Rethei	1	Rs. 8,000/-
5.	Mimbung	In kang ral vek	1	Rs. 10,000/-
6.	Mualkawi	In kang ral vek	1	Rs. 10,000/-
7.	Mualkawi	Damlo/Rethei	1	Rs. 8,000/-
8.	Kanghmun	Damlo/Rethei	1	Rs. 8,000/-
<b>TOTAL</b>				<b>Rs. 62,000/-</b>

## □ Campus Ministry

February 3 - 6, 2016 chhung hian Campus Ministry leh Aizawl Inter Collegiate Evangelical Union tangkawpin Synod Conference Centre-ah Residential Leadership Training an nei.

## □ Zin

February 3 - 6, 2016 chhung hian Hyderabad-ah Senate Meeting nei turin Rev. Lalramliana Pachuau, Senior Executive Secretary a kal.

## □ Worship Dept

February 3 & 4, 2016 chhung khan Lungsen Kohhranah Khuangvuak Training neih a ni a, hemi hun hmanpui hian Pu Lalromawia, Senior Instructor leh Upa Thanghuta, Dam Veng te an kal.

## □ MTC

♦ January 12, 2016 (Thawhlehi) khan 12th Batch Short Course Missionary Training tur mi 16 an la lut a, April 15, 2016 (Zirtawpni) thleng training an nei ang.

♦ Rev. Remlafaka leh Rev. Laldhawma Ralte te chu Senate of Serampore Convocation leh BTESSC hmang turin February 2, 2016 (Thawhlehi) khan Hyderabad an pan a. Senate Convocation hi Andhra Theological College, Hyderabad in an thleng dawn a ni.

- **MSSU**
  - ◆ February 4, 2016 (Ningani) zan hian Bethlehem North Kohhranah Zirtirtu Training neih a ni dawn a, MSSU Dept, Synod Office atangin NI. Vanlalsawmi, Coordinator leh Upa Lalthahluna Ralte, Asst. Coordinator te an kal ang.
  - ◆ February 6, 2016 (Inrinni) khian Jubilee Kohhranah Zirtirtu Training neih a ni dawn a, NI. Vanlalawmi, Coordinator, Pu John Lalhruaitluanga, Asst. Coordinator leh T/Upa F. Lalenghluna, Ramhlun Vengthlang (MSSU Trainer) te an kal ang.
  - ◆ February 6 & 7, 2016 chung khian Sakawrdai Bial-ah Zirtirtu Training neih a ni dawn a, Upa Lalthahluna Ralte, Asst. Coordinator leh Rev. Dr. Hmingthansanga te an kal ang.
  - ◆ February 6 & 7, 2016 chung khian Khanpui Kohhranah Zirtirtu Training neih a ni dawn a, Upa C Lalbiaksanga, Zemabawk (MSSU trainer) leh T/Upa V Lalrindika, Sihphir Venglai (MSSU trainer) te an kal ang.
  - ◆ February 7, 2016 (Pathianni) chawhnuah Thakthing Veng Kohhran Naupang Sunday School Zirtirtute infuihtharna neih a ni dawn a, Pu John Lalhruaitluanga, Asst. Coordinator a kal ang.
- **Kohhran Hmeichhia**  
February 6, 2016(Inrinni) khian Tripura Mission Field-a Noagang Bial Hmeichhe Inkhawmpui-ah Pi Sailuti, Asst. Secretary leh Pi Lalhmingmawii (Comt Member) te an kal ang.
- **KTP**  
KTP General Conference vawi 56-na lo awm tura Zai Hruai Sub-Committee hmalakna in Zai hruaitu turte leh Praise Group ten nikum (2015) November thla atang khan hla zir ngawrh takin an kalpui a, February 2, 2016 thleng khan tum 15 hla zirna hun an nei tawh a ni. Hla zir tur hian Kohhran hrang hrang - Laipuitlang, Ramhlun North, Luangmual, Maubawk West, College Veng, Leitan, Vaivakawn, Tlangnuam, Bawngkawn, Saikhamakawn, Chhinga Veng, Salem Veng, Bungkawn, Ramhlun Vengchhak leh Mission Vengthlangah te an kal kual thin a, Branch KTP ten an lo dawngsawng thin a ni. Tunah hian heng Kohhranah te hian hla zir turin ruahmanna an siam leh tawh a ni :  
February 5 - Ramhlun East Kohhran February 19 - Zemabawk Kohhran  
February 9 - ITI Kohhran February 23 - Chanmari Kohhran  
February 16 - Chanmari West Hmar Veng Kohhran February 26 - Kulikawn Kohhran  
February 23, 2016 (Thawhlejni) zan hian Chanmari Kohhranah Chanvo neitute Inhlantarna leh Fakna Inkhawm Rehearsal neih tum a ni.
- **Hruaina Eng FM Radio & TV Programme**
  - ◆ **FEBRUARY 5, 2016 (FM ZOAWI AIZAWL @ 7:30 P.M.):**  
**Zaipawl :** TBZ Choir - Ka Thlarauvin Krista Chauh, **Duet :** Omomi Khiangte & K. Lalrintluanga - Krista lungpui nghet, **Sermon :** Rev. Lalramliana - Ka chhuan ber Krista kraws, **Zaipawl :** Ramhlun Pastor Bial Zaipawl - I ta ka ni, **Solo :** Nancy Zothanmawii - A Humhim Ang, **Zaipawl :** Leitan Pavalai Zaipawl - Hlimna Zion
  - ◆ **FEBRUARY 5, 2016 (FM LUNGLEI @ 7:30 P.M.):**  
**Zaipawl :** TBZ Choir - Ka Thlarauvin Krista Chauh, **Duet :** Omomi Khiangte & K. Lalrintluanga - Krista lungpui nghet, **Sermon :** Rev. Lalramliana - Ka chhuan ber Krista kraws, **Zaipawl :** Ramhlun Pastor Bial Zaipawl - I ta ka ni, **Solo :** Nancy Zothanmawii - A Humhim Ang, **Zaipawl :** Leitan Pavalai Zaipawl - Hlimna Zion
  - ◆ **FEBRUARY 7, 2016 (Tv Programme) @ 3:00 p.m) :**  
**Weekly Round Up, Hranghluite Pual : Rev. Saiaithanga**
- **Susamachar Prasaran Programme**
  - ◆ **FEBRUARY 7, 2016 (Pathianni) 5:00 pm.:**  
**Group/Choir/Solo :** Durtlang Kohhran Masihi Sangati - Halleluia Stuti, **Group/Choir/Solo :** Hmingtea Tochhawng - A nugra ha kari, **Sermon :** Rev. P.C. Rohlira, **Group/Choir/Solo :** PC Lianhmingthanga - Sahara, **Group/Choir/Solo :** Bungkawn Masihi Sangati - Ji Uthe
- **Moderator Programme**  
Synod Moderator Rev. H. Lalrinmawia chuan tunkar tawpah hetiang hian hun a hmang ang :  
◆ February 7, 2016 Missionary thlah Bawngkawn Kohhran Biak In

**MISSIONARY TIRHCHHUAH INKHAWM  
PROGRAMME**

**A hun : February 7, 2016 (Pathianni) Dar 1:30pm  
A hmun : Bawngkawn Kohhran Biak In**

Chairman	: Rev. K. Lalrinmawia <i>Secretary, Synod Mission Board</i>
Tanna	: Chairman
Hla sakho	: 'Lalpa, khawvel mi thim zingah' (KHB No. 345)
Inhmelhriattirna	: Dr. Robert S. Halliday <i>Coordinator, SMB</i>
Tirhchhuahna leh thuchah	: Rev. H. Lalrinmawia <i>Moderator, Mizoram Synod</i>
Zaipawl	: Bawngkawn Bial Zaipawl
Thusawi tawi	: Tirhchhuahte aiawh
Tawngtaisakna	: Rev. B. Sangthanga <i>Executive Secretary, i/c Mission etc.</i>
Zaipawl	: Synod Mission Choir
Hla sakho	: 'Nangni chhandam fate tho r'u' (KHB. 398)
Banna	: Chairman kutah